

3

ROMANA
Beatificationis, & Canonizationis
VEN. SERVI DEI
FRATRIS NICOLAI
A LONGOBARDIS
Oblati Professi Ordinis Minimorum
S. FRANCISCI DE PAULA.

FACTUM CONCORDATUM.



UI magna cum nominis celebritate, & sanctitatis opinione vixerat, VEN. DEI FAMULUS FR. NICOLAUS A LONGOBARDIS ex Minimorum Familia; defunctus Romae III. Nonas Februarii Anni MDCCIX. triste de se desiderium & summam pietatis, & Sanctimoniae famam posteritati reliquit. Constructis hinc Processibus Auctoritate Ordinaria tum in Urbe, tum in Diocesibus Consentina, & Tropeana, super Ejusdem Fama Sanctitatis Vita, Virtutum, & Miraculorum, & super non Cultu; iisque de more clausis, & sigillo obsignatis ad Sac. Rit. Congregationem transmissis; Eadem Congregatio, Postulatorum precibus annuens, censuit die XIV. Decembris MDCCXX., deveniri posse ad eorumdem aperitionem, servatis servandis: Quod Decretum sancte recordationis Pontifex CLEMENS XI. benignè adprobavit, die XVIII. ejusdem Mensis & Anni MDCCXX.

Reseratis Processibus, & defuncto sa. me. Pontifice CLEMENTE XI., ad humillimas Postulatorum preces INNOCENTIUS XIII. constituit, ac nominavit Caussæ Ponentem, seu Relatorem. Eñum & Rñum S. R. E. Cardinalem Michaelem ab Althann, die VII. Martii MDCCXXII.

Die XXIX. Septembris Anni MDCCXXII. idem sa. me. Pontifex INNOCENTIUS XIII., instantibus Caussæ Postulatoribus, benignè indulxit, ut in Congregatione Sacrorum Rituum Ordinaria, & absque Consultorum interventu, discuteretur Dubium super Signatura Commissionis Introductionis Caussæ, etiam si elapsum adhuc non fuisset decennium a die exhibitionis Processuum super Fama Sanctitatis Vita, Virtutum, & Miraculorum Venerabilis Servi Dei.

Quumque Caussæ Ponens designatus Eñum de Althann ab Urbe id temporis absfet, præstito consensu, idem sa. me. Pontifex INNOCENTIUS XIII. in illius locum subrogavit Eñum & Rñum S. R. E. Cardinalem Scottum, die IX. Maii MDCCXXIII.

Coacta autem Ordinaria Sac. Rit. Congregatione, & in ea discaſto dubio: Utrum signanda effet nec ne Commissione Introductionis Caussæ; exiit inde Responsum: signandam esse dictam Commissionem, die VII. Iulii MDCCXXV. Quod adprobatum fuit a sa. me. BENEDICTO XIII. die XXX. ejusdem mensis & anni, qui Commissionem manu propria signavit.

In alia dein Ordinaria S. R. Congregatione die XVI. Februarii subsequentis anni MDCCXXVI. quæſitum fuit: An sententia lata per Reverendissimum Ju-